

Na osnovu člana 16. stav 2. Zakona o Vladi Zeničko-dobojskog kantona-Prečišćen tekst, („Službene novine Zeničko-dobojskog kantona“, broj 7/10 i člana 29. Zakona o izvršavanju Budžeta Zeničko-dobojskog kantona za 2013. godinu („Službene novine Zeničko-dobojskog kantona“, broj 19/12), Zaključka o utvrđivanju Plana novčanih tokova Budžeta Zeničko-dobojskog kantona za mjesec septembar 2013. godine (broj: 02-14-18445/13 od 30.08.2013. godine), na prijedlog Ministarstva za privredu, Vlada Zeničko-dobojskog kantona, na 125. sjednici, održanoj dana 19.09.2013. godine, d o n o s i

ODLUKU

o odobravanju finansijskih sredstava za finansiranje učešća privrednih subjekata i inovatora na 20. Generalnom BH sajmu ZEPS 2013

Član 1.

(Izuzimanje)

Odobrava se izuzimanje finansiranja troškova učešća privrednih subjekata i inovatora iz Zeničko-dobojskog kantona na 20. Generalnom BH sajmu ZEPS 2013, prema Zaključku o utvrđivanju Plana novčanih tokova Budžeta Zeničko-dobojskog kantona za mjesec septembar 2013. godine.

Član 2.

(Predmet)

Odobravaju se finansijska sredstva Poslovnom sistemu RMK Zenica u iznosu od 15.000,00 KM (slovima: petnaest hiljada konvertibilnih maraka) u svrhu finansiranja učešća i promocije privrednih subjekata i inovatora iz Zeničko-dobojskog kantona na 20. Generalnom BH sajmu ZEPS 2013.

Član 3.

(Obaveza korisnika sredstava)

Poslovni sistem RMK Zenica obavezan je da obezbijedi poseban položaj štanda sa minimalno 100 m² opremljenog izložbenog prostora za organizaciju kolektivne izložbe privrede za minimalno 8 izlagača.

Član 4.

(Ekonomski kod)

Odobrena sredstva iz člana 2. ove odluke isplatit će se iz Budžeta Zeničko-dobojskog kantona za 2013. godinu, razdjel 18, budžetska organizacija 01. potrošačka jedinica 0001, ekonomski kod 614 500, pozicija „Subvencije preduzećima u privatizaciji i podsticaji u industriji“.

Isplata sredstava će se izvršiti preko transakcijskog računa broj: 134-010-0000041345, otvorenog kod IK Banka d.d. Zenica.

Član 5.

(Način izbora privrednih subjekata)

Zadužuje se Ministarstvo za privredu da u saradnji sa BSC-Biznis servis centrom Zeničko-dobojskog kantona realizira promociju, prema utvrđenim kriterijima i Javnom pozivu.

Član 6.
(Provođenje odluke)

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima, realizuju ovu odluku svako u okviru svojih nadležnosti.

Član 7.
(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-_____ /13.
Datum, 19.09.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za privredu,
1x Ministarstvo finansija,
1x Biznis servis centar Zeničko-dobojskog kantona,
1x Poslovni sistem RMK Zenica- putem Ministarstva,
1x „Službene novine Zeničko-dobojskog kantona“,
1x a/a.